

Na osnovu člana 11. stav 1. i 2. i člana 124. Zakona o veterinarstvu F BiH („Službene novine F BiH“ broj: 46/00), člana 36. Zakona o izvršenju Budžeta Hercegovačko-neretvanskog kantona za 2024. godinu („Službene novine HNK“, broj: 3/24) ministar poljoprivrede, šumarstva i vodoprivrede, donio je:

PROGRAM
**UTROŠKA NOVČANIH SREDSTAVA UTVRĐENIH BUDŽETOM HERCEGOVAČKO-
NERETVANSKOG KANTONA ZA 2024. GODINU NA POZICIJI «TRANSFERI U
VETERINARSTVU» ZA MINISTARSTVO POLJOPRIVREDE, ŠUMARSTVA I
VODOPRIVREDE**

1.Period realizacije:	Od dana usvajanja Programa do kraja tekuće godine
2.Ukupna vrijednost:	180.000,00 KM
3.Namjena Programa:	Podrška mjerama zdravstvene zaštite životinja koji su obuhvaćeni Programom
4.Korisnici Programa:	Veterinarske organizacije, vlasnici životinja
5.Izvor sredstava:	Budžet HNK za 2024. godinu, novčana sredstva utvrđena ekonomskim kodom 614000 „Transferi u veterinarstvu“ („Službene novine HNK“, broj 3/24)
6.Nosilac programa:	Ministarstvo poljoprivrede, šumarstva i vodoprivrede-Sektor veterinarstva
Odgovorna osoba:	Mario Jurica, ministar

UVOD

Programom utroška novčanih sredstava utvrđenih Budžetom Hercegovačko-neretvanskog kantona za 2024. godinu na poziciji „Transferi u veterinarstvu“ za Ministarstvo poljoprivrede, šumarstva i vodoprivrede, u daljnjem tekstu: Program, određuje se godišnji iznos novčanih sredstava podrške, vrste mjera i raspodjela po mjerama, cilj i svrha Programa.

Navedene aktivnosti i mjere će se provoditi na području Hercegovačko-neretvanskog kantona, u daljnjem tekstu: HNK.

Realizacijom programa Ministarstva poljoprivrede, šumarstva i vodoprivrede HNK, u daljnjem tekstu: Ministarstvo, osigurat će se povoljniji zdravstveni status životinja i ljudi te odrediti smjernice za nastavak aktivnosti.

Program za 2024. godinu rađen je prema:

- principima Strategije ruralnog razvoja HNK;
- odredbama Zakona o veterinarstvu F BiH („Službene novine F BiH“ broj 46/00);
- odredbama Zakona o izvršenju Budžeta Hercegovačko-neretvanskog kantona za 2024. godinu („Službene novine HNK“, broj: 3/24)
- odredbama pod zakonskih propisa iz oblasti nadležnosti Ministarstva,
- godišnjeg Plana rada Ministarstva poljoprivrede, šumarstva i vodoprivrede HNK.

POGLAVLJE I. CILJEVI I SVRHA PROGRAMA

Cilj programa je poboljšanje kvaliteta zdravlja životinja i zdravlja ljudi te zaštita od parazitarne bolesti zoonotičnog karaktera.

Svrha Programa je uspostava kontrole zdravlja životinja, kontrole kretanja zaraznih i parazitarne bolesti te uspostavljanja stalnog nadzora nad pojavom pojedinih parazitarne bolesti i stvaranja preduslova za zaštitu zdravlja i dobrobiti životinja, a samim tim i ljudi.

Program podrške realizirati će se:

- kroz Aktivnosti I. ovog Programa, terapijske mjere za suzbijanje i iskorjenjivanje parazitarne bolesti kod populacije malih preživara (ovce i koze) te populacije svinje na području HNK.
- kroz prioritetne mjere smanjila bi se incidencija zaraznih i parazitarne bolesti kod životinja koje se mogu prenijeti na ljude, a obezbjedio bi se povoljan zdravstveni status životinja obuhvaćenih ovim Programom.
- kroz Aktivnosti II. ovog Programa, pomoć veterinarskim organizacijama u opremanju i podizanju nivoa i kvalitete usluga.
- kroz Aktivnosti III. ovog Programa, sufinansiranje naknade štete čime bi se osiguralo pravično obeštećenje vlasnicima životinja, kojim je propisanim postupkom naređeno uništenje životinja, a po zahtjevu oštećenih vlasnika u skladu sa odredbama Zakona o veterinarstvu i pod zakonskim aktima.

POGLAVLJE II. AKTIVNOSTI PROGRAMA

Programom Ministarstva planiraju se provoditi sljedeće aktivnosti:

AKTIVNOST I.

1. Program mjera antiparazitarne terapije malih preživara i svejeda na području epizootioloških jedinica u HNK za 2024. godinu

a) terapijske mjere na suzbijanju i iskorjenjivanju parazitarnih bolesti kod populacije malih preživara (ovce i koze) i svejeda (svinje) na području HNK;

Program mjera veterinarskim organizacijama sastoji se od:

1. davanja antiparazitarne terapije svim obuhvaćenim kategorijama životinja,
2. identifikacije svih životinja obuhvaćenih Programom.

Nabavu potrebnih materijala za realizaciju usluga vršiti će veterinarske organizacije obuhvaćene ovim programom.

Zbog velike incidencije i pojave parazitarnih bolesti kod životinja postoji velika opasnost od širenja niza parazitarnih bolesti, kod životinja i kod ljudi.

Preventivni antiparazitarni tretman te identifikacija vršit će se u cilju sprječavanja, otkrivanja, kontrole i suzbijanja parazitarnih bolesti na području HNK po članu 21. Pravilnika o uslovima za osnivanje i obavljanje veterinarske djelatnosti i načinu dodjele područja djelovanja („Službene novine“ FBiH 05/16). Nadležne veterinarske organizacije provodit će mjere ove aktivnosti na dodjeljenim područjima djelovanja, sa konta 37010004 „Transferi u veterinarstvu“, ekonomski kod 613 900 „Ugovorene i druge posebne usluge“ u iznosu od 100.000,00 KM.

Planirane mjere ove aktivnosti:

- a) provođenje preventivnih mjera terapija, kontrola i suzbijanje parazitarnih bolesti zoonotičnog karaktera kod životinja,
- b) identifikacija životinja obuhvaćenih Programom.

Predviđena usluga vrijednosti 5 KM po jednoj životinji uključuje nabavku antiparazitarnih lijekova te njihovu aplikaciju malim preživarima (ovce i koze) i svejedima (svinje mase do 100kg).

Sredstva u iznosu od 19.600,00 KM, odnosno 20% od ukupnog iznosa od 98.000,00 KM, raspoređena su kao fiksni iznos za svaku veterinarsku stanicu. Iznos od 58.800,00 KM (60% od 98.000,00 KM) raspodijeljen je veterinarskim stanicama prema prijavljenom broju životinja za realizaciju mjera iz ove Aktivnosti koje se odnose na male preživare. Za realizaciju mjera ove Aktivnosti na svejedima (svinjama) veterinarskim stanicama je raspodijeljen iznos od 19.600,00 KM, što predstavlja 20% iznosa od 98.000,00 KM (prema prijavljenom broju životinja).

Tabela 1. Broj prijavljenih životinja

R.B.	Veterinarska stanica	Broj malih preživara	Udio u ukupnom broju	Broj svejeda	Udio u ukupnom broju
1.	Veterinarska stanica d.o.o. Konjic	26.079	31,78%	0	0,00%
2.	Veterinarska stanica SEMA-VET d.o.o.	16.207	19,75%	300	6,88%
3.	MD VETERINA d.o.o. Mostar	16.600	20,23%	0	0,00%
4.	Veterinarska stanica MoVet d.o.o. Mostar	3.400	4,14%	1000	22,94%
5.	Privatna veterinarska stanica d.o.o. Čitluk	5.170	6,30%	1000	22,94%
6.	Privatna veterinarska stanica „Vetagro“ d.o.o. Čapljina	3.000	3,66%	700	16,06%
7.	Veterinarska stanica d.o.o. Stolac	7.500	9,14%	700	16,06%
8.	Veterinarska stanica Neum d.o.o.	4.100	5,00%	660	15,14%
UKUPNO		82.056	100%	4360	100%

Tabela 2. Raspodjela sredstava iz Aktivnosti I ovog Programa

R.B.	Veterinarska stanica	Solidarnost (20%)	Sredstva za male preživare (ovce i koze)	Sredstva za svejede (svinje)	Ukupno
1.	Veterinarska stanica d.o.o. Konjic	2.450,00 KM	18.687,79 KM	0,00 KM	21.137,79 KM
2.	Veterinarska stanica SEMA-VET d.o.o.	2.450,00 KM	11.613,00 KM	1.348,62 KM	15.412,30 KM
3.	MD VETERINA d.o.o. Mostar	2.450,00 KM	11.895,29 KM	0,00 KM	14.345,29 KM
4.	Veterinarska stanica MoVet d.o.o. Mostar	2.450,00 KM	2.436,38 KM	4.495,41 KM	9.381,80 KM
5.	Privatna veterinarska stanica d.o.o. Čitluk	2.450,00 KM	3.704,74 KM	4.495,41 KM	10.650,15 KM
6.	Privatna veterinarska stanica „Vetagro“ d.o.o. Čapljina	2.450,00 KM	2149,75 KM	3.146,79 KM	7.746,54 KM
7.	Veterinarska stanica d.o.o. Stolac	2.450,00 KM	5.374,38 KM	3.146,79 KM	10.971,17 KM
8.	Veterinarska stanica Neum d.o.o.	2.450,00 KM	2.937,99 KM	2.966,97 KM	8.354,97 KM
UKUPNO		19.600,00 KM	58.800 KM	19.600,00 KM	98.000,00 KM

Preostali iznos sredstava od 2.000,00 KM, sa konta 37010004 „Transferi u veterinarstvu“, ekonomski kod 613 900 „Ugovorene i druge posebne usluge“, namijenjen je za nepredviđene troškove nastale provođenjem Programa.

AKTIVNOST II.

1. Subvencioniranje opremanja veterinarskih organizacija na području HNK brzim terenskim testovima i analizerima za parazitarne bolesti pasa (leishmanija i dirofilarija) i mastitis reagensima

Na osnovu člana 124. Zakona o veterinarstvu F BiH („Službene novine F BiH“ broj: 46/00), Za provođenje navedenih aktivnosti podmirivanje troškova za prevenciju, suzbijanje i iskorjenjivanje zaraznih bolesti životinja koje su od posebnog interesa za kanton. Osigurana su sredstva na poziciji organizacijske jedinice 37010004 „Transferi u veterinarstvu“, ekonomski kod 614 400 PAO005, „Subvencije za veterinarstvo“ u iznosu od 50.000,00 KM. Sredstva će se doznačiti nadležnim veterinarskim organizacijama kako slijedi:

Tabela 3. Raspored subvencija po veterinarskim stanicama

Predmet	Veterinarska organizacija	Odobreni iznos KM
Subvencioniranje opremanja veterinarskih organizacija na području HNK	Veterinarska stanica „MoVet“ d.o.o. Mostar	5.555,55 KM
Subvencioniranje opremanja veterinarskih organizacija na području HNK	Veterinarska stanica „Sema-Vet“ d.o.o. Prozor -Rama	5.555,55 KM
Subvencioniranje opremanja veterinarskih organizacija na području HNK	Veterinarska stanica d.o.o. Stolac	5.555,55 KM
Subvencioniranje opremanja veterinarskih organizacija na području HNK	Veterinarska stanica MD Veterina d.o.o. Mostar	5.555,55 KM
Subvencioniranje opremanja veterinarskih organizacija na području HNK	Veterinarska stanica „VETAGRO“ d.o.o. Čapljina	5.555,55 KM
Subvencioniranje opremanja veterinarskih organizacija na području HNK	Veterinarska stanica d.o.o. Čitluk	5.555,55 KM
Subvencioniranje opremanja veterinarskih organizacija na području HNK	Veterinarska stanica d.o.o. Neum	5.555,55 KM
Subvencioniranje opremanja veterinarskih organizacija na području HNK	Veterinarska stanica d.o.o. Konjic	5.555,55 KM
Subvencioniranje opremanja veterinarskih organizacija na području HNK	Veterinarska stanica Rakitno-Vrpolje d.o.o. (Podružnica Višići)	5.555,55 KM
	UKUPNO :	49.999,95 KM

AKTIVNOST III.

1. Sufinanciranje naknade štete – po zahtjevu stranaka

Za eutanazirane životinje i predmete uništene tokom provođenja određenih mjera, a nakon provedenog postupka za utvrđivanje prava na naknadu štete, vlasnicima životinja 50% sredstava za naknadu štete osigurava i isplaćuje ovo Ministarstvo, a Federalno ministarstvo poljoprivrede, vodoprivrede i šumarstva preostalih 50% sredstava od procijenjene vrijednosti životinja i uništenih predmeta. Za provođenje sufinansiranja naknade štete osigurana su sredstva na poziciji organizacijske jedinice 37010004 „Transferi u veterinarstvu“, ekonomski kod 614 200, „Naknada šteta“ u iznosu od 30.000,00 KM.

POGLAVLJE III. TRAJANJE PROGRAMA I KONTROLA UTROŠENIH SREDSTAVA

Veterinarske organizacije Aktivnost I i II, moraju završiti do 01.11.2024. godine i o tome napraviti sveobuhvatan izvještaj. Kontrolu utrošenih sredstava vršit će kantonalni veterinarski inspektori preko kontrole izvještaja u veterinarskim organizacijama o provedenim mjerama i sektor veterinarstva ovog Ministarstva, svako u okviru svoje nadležnosti. Zahtjev za dodjelu sredstva predviđenih ovim Programom veterinarske organizacije podnijet će sektoru veterinarstva, sukladno svom području djelovanja, u roku od 15 dana od objavljivanja ovog Programa na web stranici Ministarstva. Ukoliko veterinarska stanica ne podnese zahtjev za sredstva iz Programa, pripadajući iznos će se raspodijeliti u jednakim dijelovima na sve veterinarske stanice koje su aplicirale za sredstva Programa. Veterinarske organizacije uz popunjen obrazac zahtjeva (dostupan na web stranici Ministarstva) moraju priložiti dokumentaciju kako je navedeno na istom.

POGLAVLJE IV. IZVJEŠTAJ O UTROŠKU SREDSTAVA

Nakon provedenih aktivnosti ovoga Programa, korisnici kojima su dodijeljena sredstva, sukladno Zakonu o izvršenju Budžeta HNK za 2024.godinu dužni su dostaviti Izvještaj o utrošenim sredstvima Ministarstvu.

Ukoliko korisnici sredstava ne dostave blagovremeno izvještaj o utrošku sredstava ili se utvrdi da su sredstva utrošena nenamjenski, isti su dužni izvršiti povrat sredstava na jedinstveni račun trezora.

Po realizaciji Programa Ministarstvo će Vladi HNK dostaviti Izvještaj o utrošku dodijeljenih novčanih sredstava.

POGLAVLJE V. STUPANJE NA SNAGU PROGRAMA

Ovaj Program stupa na snagu danom objave na web stranici Ministarstva (<https://mpsv-hnz-k.ba/>).

Broj: 04-20-741/24

Mostar, 09.05.2024. godine

